


PALSAFAH
PAKAIAN PENGHULU
JO
PIDATO ALUO PASAMBAHAN
ADAT MINANGKABAU



Disusun Oleh :
St. Syahril Amga

14-5-1994.

Syahril Amga


PALSAFAH

PAKAIAN PENGHULU

JO

PIDATO ALUO PASAMBAHAN

ADAT MINANGKABAU



Disusun Oleh :
St. Syahril Amga

Sasuai mangko manjadi
saukua mangko takanak,
Kok pandai bamain budi
rang lain jadi dunsanak.

Anggang tabang bamangkuto
Rajo bajalan badaulat,
Alang kapalang bakato kato
tiok kato bakalimat .

Anggang jo kakek bari makan
tabang kapantai kaduonyo,
Panjang jo singkek paulehkan
sampai nan dicinto.



"SEPATAH KATA"

Handwritten signature: Al Niswardi

Alhamdulillah, sekedar gayuang basambuik kato bajawab, disamping untuk membuktikan kalimat "J A D I" atas permintaan dari cela-cela masyarakat, hadirilah buku kecil ini ke haribaan andai dan tolan.

Buku ini berjudul "PALSAPAH PAKAIAN PENGHULU jo PIDATO ALUO PASAMBAHAN ADAT MINANGKABAU", berbicara mengenai adat Minangkabau sungguh lumrah. Tapi, unik sekali bagi orang yang ingin mengetahuinya secara realis.

Sekiranya ditinjau diantara kalimat yang sering dilontarkan bagi orang kita Minang, banyak berlawanan dengan logika (keadaan yang disaksikan oleh mata seandainya dibawa ke alam pikiran) terkecuali bagi orang yang pandai membaca yang tersirat di dalam kalimat itu. Umpamanya "Duduak surang basampik-sampik, duduak basamo mangkonyo lapang".

Dan dibuik indak mati dianjak indak layua, sanitiak indak hilang sabari indak lupu. Kalau ditanyokan dimana rumah sekolah adat itu. Jawabnya sudah pasti tidak ada. Aneh, lucu. Untuk itu mungkinkah diperoleh intisari keputusan riset maupun survey secara pasti (positif) hanya dari belakang meja dengan waktu sekejap mata, baik tentang jiwa, Fi'il, kakobeh dan prilaku orangnya. Mustahil.

Sehubungan dengan terciptanya buku kecil ini, tak dapat kami lupakan dosen adat Minangkabau yang terkemuka sebagai Ketua Pembina Adat/Syarak pada Lembaga Kerapatan Adat Alam Minangkabau (LKAAM) yang juga sebagai anggota DPRD Tk. I Sumatera Barat yaitu Haji Idrus Hakimi Dt. Rajo Penghulu.

Batusangkar, 21 Oktober 1982.

(ST. SYAHRIL AMGA)

"SEPATAH KATA"

Semenjak Pemerintah Orde Baru menata kembali kebudayaan Indonesia dalam program pembangunan yang tengah dilaksanakan, maka pembinaan dan pengembangan adat istiadat/kebudayaan daerah yang merupakan ke Bhinnekaan dari kebudayaan Nasional adalah suatu hal yang mutlak dilaksanakan. Karena tidak mungkin kebudayaan Nasional itu dikembangkan secara tuntas tanpa melalui pembinaan dan pengembangan kebudayaan/adat istiadat daerah.

Sumatera Barat yang dikenal dengan kebudayaan adat Minangkabau sebagai salah satu corak dari ke Bhinnekaan Kebudayaan Nasional yang ber Bhinneka Tunggal Ika, sesuai dengan Pola Dasar Pembangunan Sumatera Barat harus dibina dan dikembangkan pula dalam rangka membantu menggerakkan partisipasi masyarakat untuk lebih giat dalam melaksanakan pembangunan disegala bidang.

Namun sangat kita rasakan kekurangan dalam literatur yang merupakan bahan bacaan untuk dapat menggali dan memahami kebudayaan Minangkabau yang sangat dibutuhkan, karena terbatasnya jumlah penulis-penulis tentang adat dan Kebudayaan Minangkabau.

Disamping tulisan-tulisan tentang kebudayaan Minangkabau yang telah ada, saudara St. Syahril Amga asal Ampalu Gurun Tanah Datar telah menyusun suatu buku tentang Pidato Aluo Pasambahan Adat yang isinya antara lain tentang Palsafah Pakaian Penghulu di Minangkabau. Karya saudara St. Syahril Amga tersebut sangat kita hargai, semoga untuk menjadi dorongan terhadap penulis-penulis lain tentang adat Minangkabau guna untuk melengkapai kekurangan literatur yang dirasakan.

Buku Pidato Aluo Pasambahan Adat dan Palsafah Pakaian Penghulu baik kiranya dibaca oleh generasi muda dan para Penghulu Adat di Sumatera Barat, karena mempunyai hikmah yang banyak dan dalam, kalau kita benar-benar menghayati. Kepada penulis saudara St. Syahril Amga saya aturkan banyak terima kasih.

Padang, 10 Nopember 1982
Pembina Adat dan Syarak
LKAAM Sumatera Barat

(H. IDRUS HAKIMI DT. RAJO PENGHULU)

"SALUAK"

Badeta saluak palangai jantan, bayangan isi dalam kulik. Panjang tak dapek di ukuo, leba tak dapek di bidai. Salilik lingkaran kaniang, ikek satuangan jo kapalo. Tiok katuak baundang-undang, tiok liku aka manjala, dalam karuik budi marangkak, tambuok dek paham tiok lipek.

Lebanyo pandindiang korong dengan kampuang, panjang pandukuang anak kamanakan. Hamparan di rumah gadang paraok gongjong nan ampek.

Di halaman manjadi payuang panji kabasaran, tampek bataduah kahujan, tampek balinduang kapanasan dek nan sapayuang sapatagak sarato dek nan salingkuang cupak adat, sapakat waris man dirikan sabuah kaum manjala masuk Nagari.

'BAJU HITAM'

Babaju hitam gadang langan, langan tasenseang tak pambangi bukan karano dek pamberang. pangipeh angek nak nyo dingin, pa- ampe miang di kampuang, pangiki nan bungkuak saruweh, kan pambuang sipaik nan buruak.

Siba batanti timba baliak, mangilek mangalimantang, tatutuik jahitan pangkalangan. Mambayangkan maule tak mangasan, mambuhuo tak mambuku.

Batang awuo ba-atok tungku
 pangkanyo sarang limpasan
 padi basasok jo hilalang
 sariak nan indak paguno lai.
 Mambuhuo kok mambuku
 maule kok mangasan
 budi kok tampak dek urang
 hiduik nan tidak paguno lai.

Lawik ditampuo tak barombak, padang ditampuo tak barangin. Budinyo halui bak lawik dalam, sipaiknyo bapantang ka-ajuakan, mangpuangan pasie nan jadi pantangannyo.

Langan bamilliek kiri jo kanan, bamisiek makau kaamasan, gadang barapik jo nan ketek, tando rang gadang bapangiriang. Tagak ba-

apuang jo aturan, adat limbago nan mangapuangnyo. Baukuo jambo jo jangkau unjuak baagak bahinggokan, murah jo maha di tampeknyo, martabat nan anam dipakaikan.

Indak basaku kiri jo kanan, tando alamaik nan bak kian, indak pangguntiang dalam lipatan.

Lihie lape tak bakatuok, babala sahinggo dado. Manyatokan Panghulu ba-Alam leba. Lawik takkaruah karano ikan, gunuang tak runtuh karano kabuik. Rang gadang martabatnyo saba pahik mani pandai maluluo cando kaiyo kasadonyo.

Tagangnyo bajulai-julai kanduonyo badantiang-dantiang, bahati lapang bapaham salasai, cukuik syarat kato jo rundiang Mansyaddah Qaumu fiduni walakhirach fauwa syaidun. Kok iyo adat basandi syarak, syarat basandi Kitabullah, bak kato pepatah :

Simuncak mati taranbau
ka ladang mambawo ladiang
luko paho kaduonyo.
Adat jo syarat di Minangkabau
bak awuo jo tabiang
sanda basanda kaduonyo.

"SARAWA"

Basarawa hitam gadang kaki, kan panuruik aluo nan lurui, kan panampuo jalan nan pasa, kadalam korong jo kampuang sarato Koto jo Nagari.

Langkah salasai baukuran, martabat nan anam mambatasi. Bajalan surang mintak daulu, bajalan baduo mintak ditengah. Hemat cermatlah Penghulu martabat nan anam bapantang lengah.

Tanah kudarang dinan hitam, paham hakikat tahan tapo, manahan sudi jo siasek. Kuma bapantang kalihatan, kokoh mangganggam nan sabinjek, lah kajadi sagadang inceh jambu monyek itu nan jadi pantangannyo.

"KAIN SARUANG"

Saruang sabidang diate lutuik, kayo jo misikin alamaiknyo. Ado batampek kaduonyo. Lurui dalam tak bulie sentiang, patuik sentiang tak bulieh dalam, karajo hati kasadonyo.

Mungkin jo patuik ka ukuran, tanahnya merah bacukolat. Tando barani karano bana. Ilemu bak bintang bataburan, sumarak di dalam Koto, mancahayo masuak nagari.

Dalam martabat nan tigo, kayo hati miskin hati, diate jalan kabanaran. Namun nan bayiek nan dimintak. Sabab tak larangan dek Panghulu, alun bakandak ala baisi alun mamintak alah babari. Apo sabab mangko baitu...? Katupek bao balayea, bawo kasampan kalimonyo. Takilek ikan di dalam ayie lah tantu jantan jo batinonyo.

Tapi samantang pun baitu. Kok ado tuntunan kanan buruak atau kanan tidak bayiek. Baratui batu panaruang, tatagak paga nan kokoh, parik tabantang mahalangi, ba-ampang lalu kasubarang, badinding sampai ka Langik. Haram kandak bapalakuan.

Payokumbuah baladang kunik
dibawo nak urang ka Kuantan.

Bapantang kuniang dek kunik
tak namuo lamak dek santan.

Bacawek salilik pinggang
bakain si bugilamo
badeta hitam batalo.

Mahie di adat lanca diundang
tarang jalan ka sarugo
itu nan Panghulu di Minangkabau.

"CAWEK PINGGANG"

Cawek suto bajumbai alai, saheto pucuk rabuangnyo jambo nan tangah tigo tampok. Kapalilik anak kamanakankan panjarek aka budinyo, kan pamawik pusako Datuok nak kokoh lua jo dalam. Nan jinak nak samakin tanang, nan lia ja-an tabang jawuoh. Kabek sabalik babuhuo sintak, kokoh tak dapek diungkai, guyahnyo hapantang tangga, lungga bak dukuo di lihie, bak pepatah :

Masaklah padi rang Singkarak
masaknyo batangkai-tangkai
satangkai jarang ado nan mudo.
Kabek sabalik babuhuo sintak
jaranglah urang nan maungkai
kok tibo maso rarak sandirinyo.

"SANDANG"

Di bahu manyandang kain kaciak, kain cindai ampek sagi, kan pahapui paluah di kaniang, pambungkui nan tingga bajapuik, kan pangampuangkan nan taicie di jalan.

Kato daulu batapati, kato kudian kato bacari, tak bulieh tidak janyo adat. Tandonyo Tuhan basifat Qadim. Di rantai kunci tagantuang, babagai bantuak ragamnyo, marupokan alat jo pakake, banyak nan salapan bele buah.

Kalau ditinjau alamat kunci. Kok tibo dimaso kayo kan pambukak peti kabaragie. Kok tibo dimaso misikin kan pangunci puro basicেকে. Kalau dimaso murah, kan pambuka peti pakaian untuak manuruik aluo nan lurui kan panampuo jalan nan pasa.

Namun lah tibo dimaso maha, nak kokoh simpanan dek kuncinyo, Kalau diadat nan hapakai di tiang panjang Simajo Lelo. Kalau pusako kabajuntai, kan pambuka peti bunian bayiek digantang nan tatagak, sasudah gantang dibala kan panyingkokan simpanan adat.

Panyimpan kato kabulatan, nak kokoh bari jo balabeh. Sasuai mangko manjadi, saukuo mangko takanak. Kok pandai bamain budi rang lain jadi dunsanak.

"SANJATO KARI"

Pepatah pamenan andai
gurindam pamenan kato.
Mamacik ulu kok tak pandai
hancuo nagari kampuang binaso.

Elok Nagari dek Panghulu
rancak tapian dek nan mudo.
Kok tak pandai mamacik ulu
puntiung tangga sansaro mato.

Palsafah pakaian Panghulu
di dalam Luak tanah Minang.
Jikok ambalau marantak ulu
puntiung tangga mato tabuang.

Sanjato kari kabasaran, sampieng jo cawek nan tampeknyo. Sisiknyo tanaman tabu, lataknyo condong ka kida, dikesong mangko dicabuik.

Gembonyo tumpuan puntiang, tunangan ulu kayu kamaik. Kokoh tak tarago dek ba-ambalau, guyahnyo bapantang tangga.

Bengkok nan tengah tigo patah atau nan tengah tujuh patah. Tapi lurui manahan tiliek, bantuak dimakan siku-siku, lurui di lapeh banang. Kok bunga manahan asa, hukum adie manahan bandiang, nan bana manahan liek.

Bamato baliek batimba, sanyawa pulo jo gembonyo. Tajam nan bukan mangupalang, bapantang balampe ka-asahan. Tajam tak rago dek bagabui, mamutui rambuik di ambukan. Tapi tajam pantang malukoi, kan parawik parik ulu, kan pangiki miang dikampuang, kan panarah nan bungkuak saruwe.

Ipuonyo turun dari Langik. Bisonyo bapantang katawaran, jajak ditikam mati juo. Kan palawan dayo rang halui, kan panulak musuah di badan, jalan nan buruak jaan tatampuo bagai pepatah gurindam adat:

Kari Sampono Ganjo Hera
bingkisan Rajo Mojopahik.
Patah lidah bake kalah
patah kari bake mati.

Nan Rajo tagak di bari
Panghulu tagak di undang.
Bukan murah basisik kari
kapalang tangguang pusako lindung.

"TUNGKEK"

Pamenan tungkek kayu kamaik, ujuang tanduak kapalo perak. Kapanungkek adat jo pusako, bari tatagak nak jaan condong, soko nan tatap jo inggiran.

Ingek samantaro balun kanan. Gantang tatagak jo lanjuangnyo. Sumpik tatagak jo isinyo, adat tatagak jo limbago.

"MANJAPUIK MARAPULAI"

Dari Singkarak ka Saniangbaka, urang mamukek pagi-pagi. Dari ujuang lalu kapangka dari tangahlalu ka tapi. Indak basibak jo basisie, bukan bahinggo jo babate. Ketek nan indak disabuik namo, gadang nan indak babilang gala, ujuik sambah kapado silang nan bapangka.

Iyo dek janji nan dikarang, padan nan diukuo dek Niniak Mamak kito suku..... jo suku..... lai nan kami bukan kinari sajo, kinari anak rang Padang, bukan kami kamari sajo, gadang mukasuik nan dijalang

Tinggi rangkiangnyo Sutan Marajo
samo tinggi jo marunggai
tampak nan dari Koto Baranjak.
Bukan kami kamari sajo
mukasuik manjapuik marapulai
sarato jo urang nan banyak.

Manuruik aluran adat, bajalan babuah bati, malenggang babuah tangan, katando iyo jo rupo babungkui jo saputangan. Ikolah tando jo ruponyo. Simbah singkok lah dek sipangkalan, bak undang Luak nan tigo panjapuik sumando kami. Kok kurang kecekan ganok, kok sentiang bilai dek Datuok.

"PASAMBAHAN KAMAKAN"

Rundiang nan tibo bake Sutan..... sambah taserak kanan rapek salam kapado nan basamo. Awa dikana..... tantang iko. Akhie dibaco niat jo nazar. Nan taniék nan tanazar iyo dek silang nan bapangka karajo nan bapokok.

Kok dititiek dipandang rupo, disilau dipandang roman, elok nan tidak babincano. Tuah karajo lah manjadi, tuah karajaan alah selamat. Pihak sabanta iko kini, ala dek manti jo pagawai sarato bujang main pantan. Dek banyak manaruah ragu dek lamo manaruah lupu.

Tantang juadah nan katangah. Kok kurang susun nan bak sirie, kok kurang atok nan bak pigaran, kok kurang pare nan bak pambaturan. Kamudian dari pado itu tantang dari pado duduak nan patuik di tangah kok takatapikannan patuik di tapi kok takatangahkan, ipa jo bisan kok taparampiekan. Nak dibarimaaf silang nan bapangka karajo nan bapokok.

Atai-atai si bungo atai
lah kambang bungo sitawa.
Tacaca janguik ka lantai
nan manusia basifat gawa.

Apolai janang kami rang ketek mudo matah, umuo nan baru satahun jaguang, darah baru satampuak pinang. Aka kurang pandapek balun sajuang kuku, lampisan dibaliek itu :

Tali kayie panjang sambilan
mamapeh dari ateh kapa.
Ambiek ayie basualah tangan
santok juadah nan ka tengah.

"JAWABNYO"

Ruponyo | sapanjang buah panitahan Sutan..... nan tairi nan tabantang, tatabuo kanan rapek talayang ka tengah-tengah, tatumpa bake badan diri ambo,

Nak ilie ka Batang Hari
mudiak ka Pawuokamba
babelok jalan ka Pariaman,
Minumlah ayie nan taisi
santoklahjuada nan ka tengah
nak sanang hati sipangkalan.

Kan baitu bana...? Ba-a nan sakarang kini nangko. Pandang jawuoh alah balayangkan, pandang dakek ala batukiekan. Lah elok susun nan bak sirie, eloklah ririk nan bak jaguang, rancak pare nan bak pam-baturan ba-ato hanyo lai :

~~Pancarinek jalan ka Bonjo~~
ka Juddah jalan manurun
patah rantiang dilando kudo.
Kok iyo juada kadisantok
ayie angek kadiminum
Bismillah dauu dari sinan
kami mulai pulo dari siko.

"JAWAB DENGAN MAMPALEGAKAN KATO"

Sapanjang buah panitahan Sutan itu, rancak nan bak awan tagan-tuang, harum nan bak bagai kacang goreng. Budi bayiek baso katuju tidak tanilai haragonyo. Tapi digayuung nan kamanyambuik dikato nan kamanjawab bak pituah urang tuo :

Mandariang bunyinyo ganto
 rajo bakudo di Kinari
 tampak nan dari balai Akaik
 nak singgah ka Koto Tuo.
 Iyo ka ambo tahadoknyo sambah
 dek cupak saisi jo nagari
 bana batanyo kanan tuo
 diwalak kalan sakutiko
 nak bapituah Sutan tantang iko.

"CARO MAMPALEGAKAN KATO"

Ma-a Sutan.... Sungguahpun Sutan surang nan disambah, ketek nan diamba gadang, randah nan dianjaung tinggi, ma'af dimintak bana disabuik. Bana nan kadisampaikan, iyo dek lah manitah silang nan bapangka karajo nan bapokok kapado kito sialek (.....)

Tantang sambah jo titahnyo. Kok bisiek alah kadangaran, kok imbau alah kalampauan.

Lai manuruik nan biaso, gayuang basambuik kato bajawab. Tantang dari pado itu handak bapituah Datuok.

"MANJAWAB DENGAN BAKATO DIBAWAH-BAWAH"

Mandanga kato dari Datuok (Sutan) itu, gumanta sagalo batang tubuah, bakipeh paluah di dado, bakaja darah ka muko. Ap- sabab mangko baitu.....!

Lariak kabadan diri ambo. Nan bak biduak ketek jolong, sudah p kake nan balun cukuik lai. Kok balayie manapi-napi ka tangah takuik dek riak jo galombang ka pulau takuik dek buayo lakek bak pituah urang tuo :

Baburu ka Padang Data
 dapek ruso balang kaki
 bawo makan ka tengah Padang.
 Baguru kapalang aja
 bak bungo kambang tak jadi
 disilau guru lah mati
 dicaliek surek lah hilang.

Tapi samantang pun baitu, kok ditimbang ma-ana kato disilau ma-ana kaji. Nan gayuang wajib basambuik, kato wajib bajawab. Disiko biang cabiek gantiang putui, indak baulang kilin batikam jajak. Diulang kilin kok putui ditikam jajak kok sipi iyo dek panyakik nan ba-asa hujan nan bapuhun. Pulangkan lah kato kapangkanyo mairiang kami di balakang.

"MANGUMBALIKANKATO"

Ma-a Sutan!... Ambo antaro jo Sutan cako, panek nan manjadi paranti an pantang manjadi pamalaman. Iyo dek mancari bulek sagolek picak salayang, tantang digayuang nan kamanyambuik kato kamanjawab tatumpa juo bake ambo. Tapi samantang pun baitu, kok tak sabanyak kato tajawab, nak bapituah Sutan tantang iko.....

"BALEHNYO"

Nan jadi buah bana dek Datuok..... kok tak sabanyak gayuang tasambuik, kok tak sabanyak kato tajawab, kan baitu bana.....?

Dek kami nan manjadi rusuah dengan gamang, gayuang kok tak basambuik kato kok tak bajawab. Kini gayuang lai kabasambuik, kato lai kabajawab, lakek bak pituah urang tuo :

Babondong ikan di dalam tabek
ditembak sambie baranang
maniwuk angin dari Cundano.
Indak kadietong panjang jo singkek
bukan kadisabuik kalah jo manang
tapi, bak sirih jo curano.

"JAWABNYO"

Dek ambo nan manjadi rusuah dengan gamang, kok kaba uji samo merah, kok kabatimbang samo barek. Ba-a nan sakarang kini nangko, lai indak kabauji samo merah lai indak kabatimbang samo barek. Lah kajau, jawabnyo sajo ambo adokan. (Hal ini biasanya dijawab oleh lawan bicara anda "JADI". Lalu jawab apa adanya)

"RAIYO UNTUAK MINTAK PULANG"

Sungguhpun Datuok surang nan disambah, batin dek adat nan kaille

sarangkuo dayuang, kamudiak sarantak gala. Ujuang bajumbai kato bailamatkan. Iyo dek nan diama alah pacah nan dimukasuih alah sampai, lai kito ko bak ibaraik buruang banyak :

Bakuruang bapasak kandang
 bakabek batali rantai.
 Nan biasa lansai hutang dek babayie,
 lapeh kabek dek baungkai.
 Tantang dihutang nan kamambayie
 dikabek nan kamaungkai handak bapituah
 datuok.

"JAWABNYO"

Sapanjang buah panitahan Sutan nan tairi nan tabantang, tatabuah kanan rapek talayang ka tengah tengah, tatumpa bake badan diri ambo. Itulah kato nan sabananya. Iyo dek nan diama alah pacah nan dimukasuih alah sampai, lai kito ko bak ibaraik buruang banyak ;

Bakuruang bapasak kandang
 bakabek batali rantai
 Lansai hutang dek babayie
 lapeh kabek dek baungkai.

Lai tantang di hutang nan kamambayie, dikabek nan kamaungkai, dek Sutan lai disiko. Nan mudo capek kai ringan tangan. Capek kaki indak panaruang ringan tangan indak pamacah, aso tarantang duo sudah nan bahati suci bamuko janiah, pandai manari di ujuang padang pandai basilek di ujuang lidah.

Dek lah kari tapacik dipandeka, bulanglah tapacik di juaaro. Disiko biang cabiek gantiang putui, indak diulang kilin titikam jajak. Barek jo ringan pikualah dek Sutan kami mairiang dibalakang.

"MINTAK PULANG"

Walau dek awa kalam tadi, dek sambah ambo nan sabari dek muluik nansapatah, tatabua ka nan rapek talayang ka tengah tengah taserak ka nan rami, tatumpa bake Datuok, Koknyo bakato ambo di nan bana, lai taracak di limbago, batenggek lai dipusako, sananglah hati Niniak Mamak.

akato amto dinan tidak malu tatumpa bake ambo, arang pado kaniang, buruak barito sampai pulang. Ampunlah Panghulu, dek Panghulu banyak nan sati, rang gadang batuah, tuanku banyak nan kiramaik.

umua kadikali, rantiang kadipatah. Panghulu badiri dalam ndirikan adat jo limbago, maadokan cupak dengan gantang, n barih jo balabeh. Diadat hutang maisi tingga dikito an.

hpun iyo nan saganok itu, kamujuran disilang nan bapangka n bapokok, Jawuoh disaru alah datang, ampie dipanggie ala olah hadir di rumah nangko. Lai kamujuran dikami sigaji alek. lapiak lah takambang, alun duduak carano lah tibo, kok litak i nasi, kok awih ala babari ayie. Indak kaupek nan katibo anta an kabulie.

nan sakarang kini nangko, dek karano nan diama alah pacah ukasuik alah sampai. Lai kami sigaji alek, kok duduak ndak selo, taga ndak ma-ayunkan langkah, handak kumbali katam- ang surang. Lampisan dibaliek itu, lai kami salamo disiko dek do rambang mato, kilaf jo kilaf sipaiknyo manusia, mintak fkan.

"JAWABNYO" ✓

onyo sapanjang buah panithan Datuok, iyo dek nan diama alah nan dimukasui ala sampai. Lai sigajialek duduak ndak maurah agak ndak maayunkan langkah handak kumbali ka tampek surang kan baitu bana.....?

nan sakarang kini nangko. Sabalun kami lapeh jo hati nan suci jo nan janieh. Makan kok kurang kanyang, minum kok kurang ik dan tantang dari pado duduak kok kurang susun nan bak sirieh patuik di tengah kok takatapikan, nan patuik ditapi ko takangah- Iyo handak babari maaf silang nan bapangka karajo nan bapokok.

"BALEHNYO" ✓

sapanjang buah panitahan Datuok itu, itulah kato nan sabananya. an kok kurang kanyang, minum kok kurang sajuak dan duduak tidak pado tampeknyo nan patuik di tengah kok takatapikan nan ik di tapi kok takatangahkan, nak dibari maaf silang nan bapangka jo nan bapokok, kan baitu bana.....?

Dek kami, pandang jawuah alah balayangkan, pandang dakek alah batukiekkan. Lah elok susun nan bak sirieh, makan alah tibo dinan kanyang, minum alah tibo dinan sajuak. Tapi ko ado juo sak jo wasangko kito pulangkan sajo kapado nan kuaso.

"JAWABNYO" ✓

Dek kami nan manjadi rusuah dengan gamang iyo muluik Datuak nan sapatah itu. Baa nan sakarang kini nangko dek nan ditunggu alah tibo. Lai sigaji alek kami lapeh jo hati nan suci jo muko nan janiah.

Alek : Lah kajadi kami barenjeang tagak. Hal ini bisanya dijawab oleh sipangkalan dengan ucapan "JADI" !

"PIDATO SIRIEH"

Assalamualaikum Wr. wbr.

Jo salam sambah dianjuang, kahadapan angku jo Panghulu nan gadang basa batuah. Bukan bahinggo jo babate indak basibak jo basisie. Cadiék tahu pandai, Bilal, Ulama, Khatib sarato nan hadok adang.

Sombah manyombah dipulangkah pado Allah, titah tatabuah kanan rapek, salam kapado nan basamo.

Talatak puntiang diulu, dibawa kiliran taji. Asa rundiang nan dauu, tigo limbago nan tarajoli. Partamo sambah manyambah, kaduo sirieh jo pinang katigo baso jo basi.

Sambah manyambah di dalam adat, tali batali undang undang. Tasabuik dimuluik mani tapakai dibaso bayiek. Muluik mani calempo-pong kato, baso bayiek gulo di bibie dalam cupak nan piawai banamo adat sopan santun.

Adat di Lawik bajurumudi, adat disabuang bajuaro, adat di alek bajuru janang. Kok dikaji tantang si juru mudi, tahu di ombak nan basabuang, tahu di angin nan basiru, jaleh bana dipasang turun nayiak. Kok dibilang si juaro, tahu di tuah sisiek ayam jaleh dibulang nan bakicuah, pandai managah manapin taruah.

Nan tasabuik si Rajo janang, tahu di hereang dengan gendenang, tahu dicaka dengan kaik, pandai manjago labieh jo kurang. Manuruik cupak jo gantang, dek banyak ragu kok tibo dek lamo lupu kok datang, agak kok kurang juaronyo.

Buruang sinurak nan sinuri
 manari nari diate pematang
 Siriah galak pinang manari
 mancaliek curano nan lah datang.

Pihak kapado Curanonyo.

Ramo ramo tabang malayang, malayang ka Koto Tengah banyak nan ampek puluah ampek. Endah curano bukan kapalang, nan talatak di tengah tengah dilingkuang urang nan rapek.

Congak sarupo bangau katabang, kungkun bak alang ka hinggok, lan tiak bak alang bamain. Satahun dipuga Bugi samusim dilingkuang Cino usah karatak renehpun tidak.

Lorong kapado Siriehnyo.

Sirieh udang tampuak hari, tampuaknyo bak kuku balam, gagangnyo bagai suaso. Batang diambiak katinaman buah diambiak katiruan, satahun dalam pangguluangan usah kalayua batambah hiduik. Siriehnyo kuniang merah janggi jatuah sularo ka masajik. Ganggang saeto dari Bumi jarak sajangka dari Langik.

Pihak kapado Pinangnyo.

Pinang si hirak hirau mani, tumbuahnyo di kida rumah, tingginyo panjek panjek. Randahnyo jangkau jangkauan, Pucuk malepai awan putih tuolah tupai dek mamanjek haram basuo jo buahnyo, anta kok dek urang wali Allah nan kiramaik hiduik hiduik nan batuah sampai mati.

Kok dikaji tantang Gambienyo.

Gambie kuniang sularo dadie buatan puti Sarilamak. Manihnyo tingga di lidah, kaleknyo tingga di rangkuangan daun malayok ka lawitktan, tibo di pulau batebaran. Ka ilie ka Indopuro itu manjadi kapalo baso.

Tabilang kapado Sadahnyo.

Sadahnyo putih mambanak balam, disiram jo ayie bungo dipati jo pati santan. Dipalik jo jari manih nan bakisah ka jari tunjuak, mam-

bayang ka tapak tangan. Sapalik sapuluah ame, sakadam sakatilimo, harago nan tidak taharagoi harago satimbang jo Nagari, makakan anak rajo rajo makanan Sutan jo Panghulu.

Pihak kapado Timbakaunyo.

Timbakau halui ambun baranjano, diracik anak Sutan Bantam, saeto panjang jaluonyo, baun satahun palayaran. Nan bajamuo di biliek dalam, bapantang masiek dek paneh, masiek dek ambun tengah malam. Siracak tabang ka ranah, hinggaknyo ka Palo Koto. Badacak Sirie jo Pinang Datuak kunyah, bacahayo sampai kamuko.

Mudiakan sawah di Alai
 iliakan sawah Taruko
 Kok banyak bana sirieh di balai
 sado iko dalam Curano.

Sirie sacabiek mintan dikunyah, pinang sabuah mintak digatok, Sairiang balam jo barabah. Barabah lalu balam mandi, saikuo mati tagulampai, Sairiang salam jo sambah, samba lalu salam kumbali, pidato dipulangkan kanan pandai.

"PIDATO ALAM"

Assalamu 'alaikum wr.wb.

Diangkek sambah dianjuang budi, disusun jari nan sapuluah, di takuakan kapalo nan satu, diunjamkan lutuik¹nan duo.

Ampun baribu kali ampun. Ampun sayo di Tuanku Daulat Yang Dipituan Rajo Tigo Selo.

Ampun sayo di Angku Datuak Bandarokayo jo Datuok Marajo Basa nan mamagang taraju panuah tampuak tankai alam Pariangan Padangpanjang.

Ampun ambo Basa Ampek Balai sarato Langgam Nan Tujuh nan baikuo bakapalo nanbakapak baradai.

Ampun sayo di bapak..... sarato nan datang dari tingkek I jo tingkek II dan undangan nan kami muliakan.

Pusek jalo kumpulan ikan nan ma-atok ma-atur Negara, Daerah nangko, sakali gawa baribu kali ampun.

Ampun sayo di sidang Rajo-Rajo, Basa-Basa, Rangkayo-Rangkayo
 sarato nan GAdang Basar Batuah sa Alam nangko.

Nan datang bahimpun ka Medan nan Bapaneh tando alamaik basuko
 hati, kulansiang adat nan bamuliakan.

Salam jo ma-af sayo mohonkan kapado sagalo Bundo kandung
 limpapeh rumah nan gadang, ambun puro aluang bunian, cahayo
 rumah salendang dunie, sumarak Koto jo Nagari.

Sairiang balam jo barabah
 balam mandi barabah lalu
 saikua mati tagalampai.
 Sairiang salam jo sambah
 sambah lalu salam kumbali
 pituah tingga dinan tuo
 pidato pulang kanan pandai.

Dilapeh kulansiang adat, etan ka Luak jo karanah lalu ka Pasisie jo
 karantau, hinggo Sikilang Ayie Bangi, salingka gunuang Pasaman, sala
 re Batang Batahansampai ka Sasak jo Kinali.

Ka Sontang jo Padang Tujuh, nan di Pituan Parik Batu, ka Rokan
 jo Pandalian ka Kampar Lipek kain, ka Kuntu gunuang Sailan rantau
 nan kurang aso duopuluah.

Lalu ka Pucuk Jambi Sambilan Lurah, tarui ka Pahang Singapura.
 Sangie Lembah Gumanti Alam Surambi Sungai pagu, cukuik jo Banda
 Nan Sapuluah, lalu ka Tapan Indopuro.....

Bayiek ka Kubuang Tigobale, Sijunjuang jo Koto Tujuh, Koto Sam-
 bilan Nan di Hilie, Koto Sambilan nan di Mudiak sampai ka Jambak
 Jambulipo, ka Situayang jo Koto Baru ka Siguntuo Sungai Lansek.

Bagindo Rajo, Rajo Barangan, laka sikabau nan tongga camin tarui
 Pulau Pujuang, ka Kamang Mudiak Magek Sulayo, Gaduik Tilatang,
 Kurai jo Banuampu, Sianok jo Koto Gadang, Guguak Tabek Surajo,
 Matuo Lawang Tigobalai sampai ka Ranah Palembang, lalu ka Manin-
 jau Sungaiatang, manggopoh Sungai Garinggiang, Lubuak Basuang
 jo Batukambiang, sampai ka Tiku Pariaman laluka Toboh Pakandan-
 gan.

Ka Sintuak ka Lubuak Aluang, Sungai Sariak Nan Sabari, ikuo darek
 kapalo rantau, Kayutanam tasabuik namo. Kuraitaji jo Pawuohkamba
 tanamo pulo. Sultan Sailan di Tujuh Koto, Limaupuruik jo Kampuang
 Dalam sampai ka Malai Nan Tigo Koto.

Luak nan Bungsu Limopuluah, Rajo di Sandi Payokumbuah, Rajo di Ranah Talago Gantiang, Rajo di Lare Sitanang Muarolakin, Rajo di Luak Ayie tabik, lalu ka Niniak nan harampek. Datuok Majo Indo di Koto Lawe di Andiang Koto nan Panjang.

Datuok Siri di Mungka Koto Tuo, Dt. Bandaro di Mahek Awuoduri. Dt. Rajo di Balai Muarotakui talago undang sampai ka Niniak nan balimo. Ka Kuok jo Bangkinang, ka Salo jo Ayietiri, limo jo Rumbio. Dt. Bandaro Sati nan manahan tapatan Rajo di Pasak hulu. Kok umpang Sibirian manarco, kok ado kilaf jo kilafat ampun jo ma-af panyudahi.

Limbak nan dari pado itu. Adat dek duo salanggano cancang nan duo jo landasan. Puntiang talatak nan di ulu, di bawah kiliran taji. Asa rundiang nan dauhu tigo limbago nan tarajoli.

Partamo sambah manyambah, kaduo baso jo basi, katigo sirie jo pinang. Muluik mani calempong kato, budi bayiek talipikatan banamo adat sopansantun. Rajo Alam di Minangkabau.

Ramo-ramo tabang malayang, malayang ka Koto Tangah, banyak nan ampek puluah ampek. Aluran sirieh dalam carano barisi salangkoknyo, ba-ale batadah balingkuang dengan maniak bakarang, kuniang sacoreang diatenyo.

Talatak diate lapiek nan takambang dibawah tirai nan tagantuang dilingkuang ragi nan tadendeang. Carano baukie mintak dibuka, lah cuikuik syarat jo rukunnya indak nan kurang satu juo. Kapualah sirieh nan talatak, nak sanang suto dalam turak.

Sabuah lai nan tarigi dek pikiran, takalang dek mato, takana dek hati, patang pagi tak kunjuang lupu, siang manjadi angan angan malam manjadi buah mimpi. Kini takana nak manyabuik, tacinto diangan nan mambaco dihadapan Bapak.....

Balayia nak mahadang pulau, pulau nan jawuah di tengah, dilamun ombak nan gadang dibalieki riak nan baralun harapan kito nan basamo sakato alam sapanuahnyo, tuah kiramaik Bundokanduang.

Adapun karajo kito kini nyato siang nan bak hari, tarang nan bak bulan banamo batagak.... nak bapambarian bapak tantang iko.

"PIDATO ALUN BARABALUN

Assalamu'alaikum Wr. Wbr.

Sambah tajelo dinan rapek, maaf tasimpuo dinan banyak ujuik kapado Niniak Mamak, Panghulu nan gadang basa batuah. Nan tinggi

patuik dianjuang nan gadang karano diamba. Bilal Ulama sarato Manti jo Hulubalang, pagawai adat, maliputi Ibu jo ketek mudo matah sarato nan tuo dalam kampuang.

Kok dibilang maso nan dauu, barapolah musim nan Tasabuik alun barabalun. Balun lai ba-Sintuak Lubuak Aluan lai ba-Tiku Pariaman, balun lai ba-Bayang Salido, Suran jo Barangkapeh, Tapan Indopuro, Kuok jo Bangkinang, Guguak Surajo, Matua Lawang, Maninjau jo Sungaiatang, Lubuak Basialang jo Batu kambiang, Batusangka jo Lantai Batu, Parak Jua Lubuak Basialang, Suliki jo Limbanang, Palembang jo Gumarang, balun lai bakapa baparahu balun lai barakik sibatang pisang.

Sirawik bari bahu
diasa mangko bamato
Lawiktan sajo daulunyo
balun lai banamo pulau Paco.

Garak nan datang dari pado Allah, warih nan turun dari pado Nabi. Turunlah kitab nan 104 Injil Furqan janyo urang, Taurad jo Nujum bagi Kumpani. Balayielah umat maso itu. Nan balayie jo kayu Kamat, bakamudi rantiang marunggai.

Dek lamo dandang balayie, tampaklah pulau jalo manjalo, gunuang liku baliku. Nan sabuah maso itu banamo puncak Silangapuri, lalu tadampa dandang disanan, dek api takjok kijok jadi papatah dek nan tuo.

Dimano disalai Palito
dibaliek Telok nan batali.
Dari mano turun niniak kito
dauu dari lereang gunuang Marapi.

Tasabuik di dalam adat takarang di dalam Tambo. Waktu gunuang Marapi sagadang taluak itiek gunuang Bungsu sagadang talua ayam. Basentak turun ka bawah tibo di Guguak Ampang di Langgundi Nan Baselo. Di bawah Labuak Sitimbago, diam di kampuang Pariangan tasabuik ranah Minangkabau tigo luak rang katokan. Partamo Luak Tanah Data, kaduo Luak Lubuak Agam nan katigo Luak Limopuluah.

SEKUNTUM DO'A UNTUK PENGANTEN

DENGAN NAMA ALLAH YANG MAHA PENGASIH LAGI MAHA PENYAYANG.

Segala puji dan puja bagi Allah sekalian Alam, selawat dan salam atas semulia mulia Nabi, dan orang yang dirasulkan beserta atas keluarganya dan sahabat sahabatnya.

1. Oh Tuhan kami, susunlah antara kedua Penganten ini sebagai mana Engkau menyusun bapak kami Adam dan Ummi kami Siti Hawa Amin amin Ya Rabbul 'Alamin, Wahay yang pengasih lagi maha penyayang.
2. Ya Allah, susunlah antara kedua Penganten ini, sebagaimana Engkau menyusun bapak kami Sulaiman dengan Bulqis.
3. Ya Tuhan kami, susunlah antara kedua Penganten ini, sebagaimana Engkau menyusun Ayub dengan Rahmah, Amin amin Ya Rabbul 'Alamin.
4. Ya Allah, susunlah antara kedua Penganten ini, sebagaimana Engkau menyusun Yusuf dan Zulekha hai orang yang memperkenankan do'a orang yang meminta kembalikanlah permintaan kami ini.
5. Oh Tuhan kami, susunlah kedua Penganten ini, sebagaimana Engkau menyusun Musa dan Syafuraq, Amin amin Ya Rabbul 'Alamin.
6. Ya Allah, susunlah kedua Penganten ini, sebagaimana Engkau menyusun Ibrahim dengan Siti Hajir, sebaik baik orang yang menyusun.
7. Oh Tuhan kami, susunlah kedua Penganten ini, sebagaimana Engkau menyusun 'Ali dengan Fatimah dengan Rahmat Engkau hai yang Pengasih lagi Maha Penyayang.
8. Ya Allah, susunlah kedua Penganten ini sebagaimana Engkau menyusun Nabi kami Muhammad SAW dengan Chadijah dan 'Aisah.
9. Oh Tuhan kami, jadikan kedua orang ini yang mendirikan Shalat dan jangan Engkau jadikan orang yang meninggalkan Sembahyang.
10. Ya Allah jadikanlah kedua orang ini yang bersatu padu, dan jangan Engkau jadikan orang yang banyak kenis serta orang yang bercerai berai, Amin amin Ya Rabbul 'Alamin.

Maha suci Engkau Tuhan, Engkau yang memiliki semulia mutlanya dari pada apa yang mensifatkan, salam atas orang yang di Rasulkan, puja dan puji bagi Allah Tuhan sekalian Alam Alfatihah....

Amin amin da'wahumpiha Subhanahumma watahiyatuhumpiha
salaam, Wakhiru da'wahum anil hambulillahirabbil alamin.

"PIDATO ISTANO BASA PAGARUYUANG"

Assalamu'alaikum Wr Wbr

Mangko menyambahkan ambo dihadapan angku jo Panghulu nan gadang basar batuah, sarato cadiak tahu pandai, Malin Khatib, Bilal jo Ulama partiapan isi Nagari.

Palupjah batang malapari, pucuk sitawa aka capai, batang limpato rang patahkan. Sungguahpun ambo tagak badiri, bukan ambo rang cadiak pandai, pusako kato nan ambo pasambahkan.

Nyaiak ka guang banyak kabuik, lalu karimbo ulu jati, kayu gadang banyak nan bagatah nan bacampuo jo kayu kamat. Takuik gumanta ambo manyabuik, dek Panghulu banyak nan sati, rang gadang banyak nan batuah, Tuanku banyak nan kiramaik.

Mintak ampun ambo di Panghulu nan gadang Basa Batuah. Ambo nan mambilang nan manyambah, nan maurai mamapahkan. Condong nan raba lai batungkek pucuk sitawa disusunkan. Tolonglah ambo di nan rapek, nan ma-a nan gawa jo nan tingga diampunkan ;

Sitawa di pulau Rimbang

anak ruso mati tadabie

Kok gawa bulie ditimbang

Pado badoso ampun nan labie.

Rumah gadang surambi Aceh, nan salanja kudo balari, salentak kuciang malompek sasayuik bundo maimbau. Gonjong ampek (...) bintang bakilatan, banamo rabuang mambacuik timah mamutiah di atenyo. Tonggak gaharu lantai cundano tarali gadiang balariak, bubuangan burak katabang. Paran bagambar ulangiang bagaluik rupo. ukie Cino salo menyalo ayie perak anjuang batingkek baalu alun, tampek menyuri manirawang, paranginan puti nan disanan. Limpape rumah nan gadang, sumarak anjuang nan tinggi hiasan korong jo kampuang.

Lorong kapado tiangnyo. Tiang tuo rajo batuah, tiang panjang rajo bajantai, tiang tengah rajo nan mulie tiang tapi rajo bungsu.

Sandinyo banamo alua idat, manahan sampik dengan sasa tak manyuik nan babulungan pangkek di ateh paninjau jawuoh. Musuah nan datang tak ba panggie, mamandang ka karantau.

Kok dibilang pado kasaunyo nan banamo hubungan lidah. Parannyo ambutan kato, atoknyo sitahan bandiang banamo parisai alam. Pinunyo suluah bendang, gadlang gadlangnyo mahanan ulak, rasuak banamo salam bajawek nan palanca pandai bare tong, balantai harapan nyato, babilik kulambu rumin nan basuto biludru gandum.

Bakandang pautan bantiang, bapaga sasak bakuliliang bapakarangan balingkuang batu, banamo Lare sabalik halaman lawe ujuang jo pangka.

Atok batirak ba-antiang antiang, basulun bamaniak pulo. Ditapi sangkutan aguang, di tengah sangkutan gandang, di ujuang cacak mauni, dipangka titian mancik. Tirai atok kubin malayok, pasak pintu lidha katian, pasak rumah kukuang sabalik.

Banduonyo situkuak sayang, kupang kupangnyo siawan ragi nan bajanjang sirandah hati. tapijak patang jo pagi, tatap batanai bakulilinag. Batanjuak bapucuk rabuang, bantuaknyo bak kabau bujang. Antiang antiang alai gumalai, banamo siancang anchang nan bakolam batapian ado basumua tampek mandi.

Pihak kapado kolam jo tapian, Sinanlah rutiang susun basusun, tampak kulari kaja bakaja, sinanlah puyu baradai ame. Ayienyo jenie bukan kapalang, lumuik tidak lintahpun tidak hanyo sapek balayangan. Labuah kampuang cindai tarajelo, labuah panjang kasa tabantang. Pudiang ame paga di lua pudiang geni paga di dalam.

Bacubadak buayan buruak, limau mani sandaran alu. K. nuniang pautan kudo, kudo banamo balangkandai, kaki nan raja ka ampeknyo. Basisondok tupai managun, baikuo sarasah tajun, balang b. j. awan mangulampai.

Halaman nan tidak gadang bana, salanja kudo balari sasayuk hundo maimbau. Kamar kamar namo rumpuiknyo, pasie tabantang kiri jo kanan. Sinan pandeka main padang tampek nan mudo main moncak anak anak main tonde.

Batutapakan bulan ampek bale, induaknyo suaso balariak. Batata ba-antiang antiang buatan Sariak Sungaipua, ukie suda ragam tak jadi, kok sudah baralah ka rancaknyo, alun sudah tukang dibunuah, ukie nan tidak bulie ditiru lai.

Takalo tonggak kadielo, mulonyo bandua kadisusun tarajoli adat baso basi alam nan sunyi jo isinyo. Tawa nan ampek dari Basa Ampek Balai. Linjuang dari Tuang Gadang Batipuah. Tabu junjuangan dari Rajo adat nan di Buu. Tabu hitam dari Rajo Ibadat Sumpukudui.

Tali paelo tigo ragam dari Limokaum 12 Koto, padi carai dari alam Surambi Sungaipagu. Padi puluik dari Daulat Parit Batu. Ayani jantan

dari Biaro Balai Gurah Ayam batino dari Lunang jo Silaut himpunan ka Indopuro.

Ame mamah dari Banda Nan Sapuluah. Tonggak tuo dari tampuak tangkai alam. Payuang Panji dari Pasak Hulu Limopuluah. Paran Panjang dari rantu Simalidi, Paran pendek dari pasisie Pariaman. Tiang nan banyak dari rangkayo jo Panghulu. Sandi (sebut dimana berdirinya) kasau mangasau dan turang malintang diramu dek..... Ijuak buruak datang maungguak. Ijuak bayiek marajo sontang. Ukie maukie ditigo Luak, Patuik mamatui di Tampuak tangkai alam. Basa Ampek Balai tumpuan kato.

Danciang danciang pangaluaran Padang Salapan suku, alek jamu di Solok Sulayo dalam Kubuang Tigobale, bantiang jo kabau dari Sijunjung Koto Tujuh. Taraju di pacik Tuan Titah, Aluang Bunian di Machudum Sumaniak.

Bakumpualah alam saisinyo, iyo di Nagari..... (sebut dimana lokasinya). Sungguapun sambah ambo lewakan kahadapan angku jo Panghulu, umumnyo kapado kito nan basamo namun tatumpa kapado.....

Talatak pantiang diulu
 takanan lilin jo ambalau
 tak mungkin katangga lai
 anta kok ulu nan kalapuak.
 Sambah alah salam lah lalu
 kumbali buni nan didanga
 sakitu sambah pado Datuok.

"PIDATO BATAGAK GALA PANGHULU"

Assalamualaikum ambo mulai.

Mangko manyambahlah ambo dihadapan angku jo Panghulu Niniak Mamak nan Gadang Basar Batuah, Sarato Manti jo Hulubalang, Imam Khatib, Ulama jo Tuanku partiapan isi Nagari.

Sabab baitu kato adat limbago dalam alek nangko, kok alek alah sapanuah kampuang, lah cukuk balako kasadonyo rasokan indak banan tidak, panuah bak bulan ampek bale, saketek indak lilik sumbiang bone balako kasadonyo, saincek tak nan ampo.

Bapakai sambah manyambah, sambah manyambah di dalam adat, tali batali undang undang. Tasabuik bamuluik mani takato di baso bayiek. Muluik mani calempung kato, baso bayiek gulo di bibie.

Palupuah batang malapari, pucuk sitawa aka capai batang limpato rang patahkan .sungguhpun ambo tagak badiri. Bukan tando rang cadiak pandai, pusako kato nan ambo pasambahkan. Nayiak ka gunuang banyak kabuik lalu ka rimbo ulu jati, kayu gadang banyak bagatah nan bacampua jo kayu kamaik.

Takuik gumanta ambo manyambuik, dek Panghulu banyak nan sati rang gadang banyak nan batuah, tuangku banyak nan kiramaik, Mangko mamintak ampunlah ambo dek Panghulu nan gadang basa batuah. Ambo nan mambilang nan manyambah, nan maurai mamapahkan. Condong nan rabah lai batungkek, pucuk sitawa disusunkan. Tolonglah ambo dinan rapek nan maa nan gawa jo nan tingga diampunkan.

Di sawah nan bakiambang
 banyak padi nan tak mangasi.
 Kok gawa bulieh ditimbang
 pado badoso ampun pa-awali.

Garak nan turun dari pado Allah, Khalifah nan turun dari pado Nabi, pusako nan dari urang tuo, syarak nan dari pado guru. Turun dari Langik awang gumewang. Lalu Jibrail manyampaikan. Itulah mangko dikatoka Tuanku dalam Nagari. Suluah nan tarang, Palito nan indak padam dari awa sampai akhie sampai hari yang kamudian.

Partamo Allah kaduo dunie, katigo pintu sangketo, ka-ampek pinto Narako, kalimo hari wakatu, ka-anam ayie sumbayang, katujuah budak dikanduang, kasalapan Muhammad nan jadi patang Sanayang 12 Rabiawal.

Mangko dikaranglah Tafasie jo Fiki di dalam Nagari Makah jo Madina. Itulah nan dibawo ninek kito, etan kabatu nan barayun, ka-ayie nan barulak mudiak. Mulonyo adat kadipakai dengan papatah jo patitiah. Asanyo Rajo nan daulu Iskandar Zulkarnain anak Zis 'Alaihis salam nan kurang aso ampek puluah.

Partamo Sutan Maharajo Alif, kaduo Sultan Maharajo Dipang nan katigo Sultan Maharajo Dirajo. Sultan Maharajo Alif di Banua Ruhum, Maharajo Dipang di Banua Cino Maharajo Dirajo ka Pulau Paco nangko.

Dek pulau jalo manjalo, gunuang liku baliku. Galap gulito maso itu, basentak turun ka bawah. Tibo di Guguak Ampang di Langgundi Nan Baselo di bawah Labuah Sitimbago, diam di kampuang Pariangan manjadi pepatah dek nan tuo ;

Ka ilie ka Indogiri
ka mudiak ka Ladangpanjang
Dimano adat mulo badiri
di Pariangan Padangpanjang.

Tasabuik ranah Minangkabau, tigo Luak rangkatokan, Tanah Data jo Luak Agam katigo jo Luak Limopuluah, Luak Tanah Data. Nan babatu babungo satangkai, basungai bakayu tarok, bakampuang dibalieki labuah, banamo si Dusun tuo, balimo kaum nan disanan.

Limokaum 12 Koto, 9 Koto di Dalam, 12 Koto di lua. Batabek ba Sawah Tangah. Sawah Gadang Satampang banie makanan urang tigo Luak. Ujuang Labuah Tanjuang Sungayang, bapintu ka Sungaipatai, bajanjang ka Koto Rajo.

Tigo tanjuang nan tasabuik. Tanjaung Barulak, Tanjuang Sungayang, Tanjuang Alam Bungosatangkai, Babasa Ampek Balai. ba Daulat Yang Dipituan. Baru Alam gunuang Pasisie Nan Sahinggo Pinto Rajo Hilie.

Hilie badatuak mudiak batuan, Tuan Qadhy di Padang Gantiang, Tuan Gadang di Batipuah. Tuan Indomo di Saruaso. Tuan Machudum di Sumaniak. Angku Titah di Sungai Tarab, Rajo Basa di Pagaruyuang ado papatah mangatokan ;

Colok merah kain saruang
pakai anak mudo mudo
kiriman dari Bangkokulu
Sifaik Rajo Pagaruyuang
di rantau manjadi Rajo
di Luak manjadi panghulu.

Tasabuik urang mamarentah di dalam Luak nan tigo dengan Lareh Nan Duo. Lareh nan bajanjang nayiek iyolah Lareh Koto Piliang, dibawah pimpinanyo Dt. Katumanguangan. Adatnyo nan babari nan bapahek, nan baukuo nan bakahuang.

Kaduo Lareh Bodicianiago dibawah pimpinan Dt. Parapatiah Nan

Sabatang. Iemu banyak pandai bawawuo di alam nangko, banyak urang nan sagan kapadonyo. Baradat. Tuah Sakato cilako dek basilang. Dilahie alah samo nyato, di batin samo kito pandang.

Manurulk pituah dari Dt. Katumungguangan jo Dt. Parpatih Nan Sabatang. Pihak dihujan nan bapuhun dipane nan barasa. Dek gunung lah diantakan pukam, tinggi la disasakan rueh, tahu dikilek dengan bayang. Iemu dalam paham bakunci, candokan cadlak candakio, handak manjadi biopari. Rundiang sabuah bamisalan, kato sapatah bakiasan. Taknyo puweh di nan elok, taknyo pasai di nan bayiek. Siang manjadi angan angan malam manjadi buah mimpi.

Rapeklah korong dengan kampuang. Nan taserak dipille nan taicie dijapuik, bulek kato jo mufakat. Bulek bulieh digolongkan sakato lahie dengan batin. Kok nan barek samo dipikuo. Batuang tarandam nan mambangik, kain balipek nak bakambang, sambahan anak kamanakan.

Kapai tampek batanyo, kapulang tampek babarito. Kan manjujuang Khalifah, jo pusako dari Niniak nan baduo, Katumungguangan jo Parapatiah Nan Sabatang. Gadang nan samo kito amba, tinggi nak samo kito anjuang, Nak sumarak alek nangko dikanakanlah pakaian kabasaran. Nan badeta hitam batalo, babaju gadang batanti, basisampiang tanun Aceh bugi Makasar rang namokan. Basirawa guntieng Batipuah, basilendang kain sungkik takanan dari nan pusako.

Di Jirek tumbuhan pigaran, di baliek batang limpatu. Sarek Panghulu jo Pakaian, rindie karano dek pusako. Artinyo, bak kayu gadang di tengah padang, ureknyo tampek baselo, batangnyo tampek basanda, dahannyo tampek bagantuang, daunnyo tampek bataduah kahujana, tampek balinduang kapanasan. Babungo mungkin jo patuik, babuah kato nan bana.

Indaruang di tengah Padang, ditutuo jatuah sadahan. Balinduang di kayu gadang tahinda peneh dengan hujan. Pihak dihujan nan bapuhun dipane nan barasa. Niek bakawuo dalam hati mamintak, sungguah pado Allah, disinan tuah mangkonyo tumbuhan, sumarak mangkonyo nayiak.

Kalamba pai mamidik dapeklah anak si ikan Tilam, tuah tumbuhan sumarak nayiak, musuhuo kampuang jo halaman. Tatap badiri diman bana, arek bapacik dinan taguo, malenggang dipantangkanyo, kuwek manyuruah ka nan bayiek, malarang kanan jahiek, Kok maukuo samo panjang ko manimbang samo barek.

Karambie sabatang ditunggu, babuah satangkai duo. Hukum adie adat badiri pangka saiyo jo sakato. Ikek deta Palupuah babaju gadang

batanti tadonyo manjadi urang tuo. Buwek kok indak taguah, ikarah kok indak bauni, alamat dimakan sibiso kawi. Tungku nan tigo sajarangan, banamo cadiak tahu pandai. Pamenan dek lareh nan duo pepatah dek Luak nan Tigo. Kalau talamau larang jo pantangan, lbudi abi paham tagadai, syarak rusak adat binaso cubolah tanyo kanan tuo.

Taliti jo aka budi, runuik ratelah jo kiro kiro. Kulik kok manganduang ayie, mumuak sampai kapanguba sampai katarenyo binaso juo.

Nak ja-an basuo nan bak itu, asuolah budi kana tuo, runuiklah paham kanan pandai. Pasai pasailah manimbo puweh puwehlah manampuang. Kalau ma awai sahabi raso kok mangaruak sahabi gawuang, samo ancau bak basiang samo data bak manundo.

Kok lai tapakai nak bak itu, bak cincin lakek (dijari), alah tahimbau dinamonyo, ala tasabuik digalanyo. Nak cicing galang lah bulieh, nak ayie pincuran tabik nak licin cahayo datang.

Ambacang di tengah padang, ditingkek satangah duo tingkek, ditingkek nan rang gumbalo. Kok dirangtang namuanyo panjang elok dikumpa naknyo singkek, singkek sakiro kapaguno.

Badia Japun di Bangkahulu, panembak ondan di dalam tabek. Am-
punlah sayo dek Panghulu, sambah tibo di nan rapek nak dibari batam-
pek. Nan tampek sambah simpanan kato pado Datuak....

Sungguhpun Datuak surang nan dihimbau, nan ujuik panyambahan ambo. Dari pucuk bulek ka urek tunggang, Ibu bapo, Niniak Mamak jo Manti pagawai adat, hulu balang sarato Imam Chatib, Bilal, Ulama, gadang ketek tuo mudo samba di situ ambo tibokan.

Kari alah manganduang perak
tanah merah manganduang intan
samo tajoli kaduonyo.

Dari Niniak turun kamamak
dari mamak ka kamanakan
lah wari juo sajak daulunyo.

Patah galang baganti galang, patah ditimpo silamo lamo. Hilang gadang baganti gadang, pusako baitu pulo, patah tumbuhan hilang baganti, soko disaluakan ka nan mudo. Ketek dibari bapak namo....kini lah tabilang dipusako. Ketek banamo kini gadang bagala..... nak dihimbaukan di labuah nan golong, dipakan nan rami (begitulah seterusnya sebut nama dan gelar yang dikukuhkan jadi Panghulu secara berurutan).

Taga dek adat jo pusako, dek bari cupak jo gantang, itulah nan kito bawo sailia samudiak, sapantang salarangan, kok hutang samo dibayie piutang samo ditarimokan ;

Talatak pantiang diulu
 takanak lilin jo ambalau
 tak mungkin katangga lai,
 anta kok ulu nan kalapuak
 Samba ala salah lah lalu
 kumbali bunyi nak didanga
 jawablah kato nak diganti,
 sakito samba baka Datuok.

"GURINDAM KAMAKAN"

Alek : Layiekan pelang Sigujarat
 masuk kualo taluak Merah
 lembai malembai tiang panjang
 mandanguang bunyi lawik basa
 came kok hati sijurumudi,
 Pihak kapado jamba nangko
 dicaliak paruik lah kanyang
 dipandang awi lah lape
 cukuik dek rokok nan sabatang
 padokan sajo jo sirie nan sakapuo.

Pangka : Alaukan kabau nan batanduok
 ka sawah nak urang Tanjuang Sani
 nak ragek rumpuik daun banto,
 Rasó kamanangi sanduak jo pariyuak
 maupek piriéng mintak nasi
 takana dijarah tak kabajaso.

Alek : Kok makan ka dikunyah
 kunyan nan duo parakaro
 itu soko nan tabatang.

Sabalun karajo kadimulai
 taropong daulu tanpan jo lelonyo.
 Tantang juada nan ka tangah
 dek banyak macan ragamnyo
 ragulah mato dek mamandang,
 jangan kami sasek ma-awai
 tolong tunjuakan ikuo jo kapalonyo.

st Rajo bana, Rajo Kuaso,
 jadi pituah sajak daulunyo.
 Bismillah sajo kapalonyo,
 Alhamdulillah untuk ikuonyo.

Alek : Pancarinek jalan ka Bonjo
 ka Juddah jalan manurun
 patah rantiang dilando kudo.
 Kok iyo juada kadisantok
 ayie angek kadiminum
 asa lai Bismillah daulu dari sinan
 kami mulai pulo dari siko.

"ANDAI/GURINDAM KAPULANG"

Alek : Rancak ranahnyo nak rang Kurai
 tampak nan dari Banuampu
 sasimpang jalan ka Batagak
 Dek nan dimukasiuh alah sampai
 kami babalieq malah daulu
 salam jo maaf nan kami pintak.

Pangka : Nak urang Bukik Batabuah
 kapakan mambali garam
 nan batamu jo nak rang Ampek Angkek.
 Ka mudiak jalan kok runtuah
 ka ilie jalan kok taban
 urang maliang banyak nan jahe!

Alek : Babelok jalan ka balai
 sasimpang jalan ka gunuang.
 Nán biaso tak aja bapantang kanai
 nan bungkuak juo nan dimakan saruang.

Pangka : Ditata indak tatata
 bak manata batang sampie
 ditare juo malah nan jadi.
 Ditaga indak tataga
 bak managa ayie ilie
 dilape juo malah nan jadi.
 Tapi, makan kok kurang kanyang
 minum kok kurang sajuak
 nak bapituah Sutan tantang iko.

Alek : Batimbun lado di Taluak
 tiok tibo bakaranjang
 banyak urang nan mambali.
 Kok minum lah tibo dinan kanyang
 lapeh jo rilah malah kami.
 Lah cukuik sandi batu rumah
 mananti tukang nan kamamulai,
 Lingkuik, lapiak sapuluh rumah
 assalamu'alaikum panyudahi.

Rumah gadang bari bapintu
 nak tarang jalan ka halaman.
 Kok dikumpa sagadang kuku
 kok dikambang salawe alam.
 walaupun sagadang bijo labu
 bumi jo Langik ado di dalam.

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى أَشْرَفِ الْأَنْبِيَاءِ وَالْمُرْسَلِينَ
وَعَلَى آلِهِ وَصَحْبِهِ أَجْمَعِينَ .

١- اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ فِي الْبَرِّ وَالْبَحْرِ آمِينَ آمِينَ يَا رَبَّ الْعَالَمِينَ .

٢- اللَّهُمَّ ثَبِّتْ اسْتِقْلَالَنَا وَأَنْصُرْ جَيْوشَنَا وَجَيْوشَ الْمُوَحِّدِينَ وَوَقِّقْ وِلَاةَ
أُمُورِنَا بِرَحْمَتِكَ يَا أَرْحَمَ الرَّاحِمِينَ .

٣- اللَّهُمَّ اجْعَلْ بَلَدَنَا هَذَا بَلَدًا آمِنًا وَارْزُقْنَا مِنَ الثَّمَرَاتِ آمِينَ آمِينَ
يَا رَبَّ الْعَالَمِينَ .

٤- اللَّهُمَّ اجْعَلْنَا مِنَ الْمُتَوَافِقِينَ وَلَا تَجْعَلْنَا مِنَ الْمُتَفَرِّقِينَ .

٥- اللَّهُمَّ بَاعِدْ عَنَّا الْبَلَاءَ وَالْوَبَاءَ وَاجْعَلْنَا مِنَ الصَّالِحِينَ .

٦- رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ .

سُبْحَانَ رَبِّكَ رَبِّ الْعِزَّةِ عَمَّا يَصِفُونَ وَسَلَامٌ عَلَى الْمُرْسَلِينَ وَالْحَمْدُ
لِلَّهِ رَبِّ الْعَالَمِينَ .

الفاتحة

آمِينَ آمِينَ دَعَوَاهُمْ فِيهَا سُبْحَانَكَ اللَّهُمَّ وَتَحِيَّتُهُمْ فِيهَا سَلَامٌ وَآخِرُ
دَعَوَاهُمْ أَنْ الْحَمْدُ لِلَّهِ رَبِّ الْعَالَمِينَ .

ARTINYA

DENGAN NAMA ALLAH YANG MAHA PENGASIH LAGI MAHA PENYAYANG

Segala puja dan puji bagi Allah sekalian Alam, selawat dan salam atas semulia mulia nabi dan orang yang dirasulkan beserta keluarga dan sahabatnya.

1. *Ya Allah, ampunilah bagi orang Muslimin dan Muslimat, Hidup dan mati didarat dan dilautan dapat ampun dari Engkau Amin Ya Rabbul 'Alamin.*
2. *Oh Tuhan kami, tetapkanlah kemerdekaan kami, dan beri pertolonganlah tentara kami, beri karunia sekalian pemimpin pekerjaan kami, wahai Yang Maha Pengasih Lagi Maha Penyayang.*
3. *Ya Allah, jadikanlah Negara, negari, kampung kami yang aman adanya, dan berilah kami rezeki dari segala buah-buahan, Amin amin Ya Rabbul 'Alamin.*
4. *Wahai Tuhan kami, jadikanlah kami jadi orang yang bersatu padu, dan jangan Engkau jadikan orang yang bercerai berai. Amin amin Ya Rabbul 'Alamin.*
5. *Ya Allah, jauhkanlah dari kami segala macam BALA dan Wabah, dan jadikan kami orang yang Shaleh.*
6. *Oh Tuhan kami, berilah kami kebaikan di Dunia dan di Akhirat nantinya, jauhkan dari kami segala sengsara dunia dan sengsara di Akhirat nantinya. Amin amin Ya Rabbul 'Alamin.*

Maha suci Engkau Tuhan yang amat memiliki kamuliaan dari pada apa yang mensyifatkan, salam atas orang yang di Rasulkan puja dan puji bagi Allah Tuhan sekalian Alam Al Fathiha dan seterusnya.....

*Amin amin da'wahumfiha Subhanakallahumma
Watahiefyatuhumpiha salaam, Wa Akhiruda'wahum Anil ham-
dulillahi rabbil 'Alamin.*


PAPATAH UNDANG UNDANG NAN 20 **(Atau Nan Salapan Ju Duo Baleh)**

- *Anggang lalu atah jatuhah, pulang pagi babasah basah.*
- *Panghulu kok takicuah, alamaik kampuang kan tajua.*
- + *Bajalan bagageh gageh, kacondongan mato rang banyak*
- + *Kok tumbuah silang jo salisiah ijan mangareh, bakawan jo urang banyak.*
- *Dibaok ribuiik dibaok angin, dibaok pikek dibaok langau*
- *Muluik jo hati kok balian pantangan adat Minangkabau*
- + *Tasindorong jajak manurun, tatukiak jajak mandaki*
- + *Adat jo syarak kok tasusun, bumi sanang padi manjadi*
- *Bajua bamurah murah, ditanyo jawek batimbang*
- *Rang gadang kok tak saarah, disinan rakyak makonyo bimbang.*
- + *Lah bauriah bak sipasin, kok bakiak lah bajajak*
- + *Muluik panghulu naknyo masin pandai baguwuo jo rang banyak*
- *Dago dari mambari malu, sumbang salah laku parangai*
- *Jalankan hak panghulu, bapantang kusuik tak salasai*
- + *Samun saka tagak di bateh, umbuak umbai budi marangkak*
- + *Kiri kanan riak maampeh, ditangah tangah Panghulu tagak*
- *Curi maliang taluang dindiang, tikam bunuah padang badarah*
- *Ibo dibadan ka tagiliang, turuikan putaran roda.*
- + *Siabaka sabatang suluah, upeh racun tabang basayok*
- + *Ibo dibadan katakicuah, ilmu jaan dibaok lalok.*

Perhatian !!!

Bagi siapa yang membaca buku ini
tolong di jaga keselamatan buku ini
dan tolong pelihara ~~per~~ memakainya
dengan sebaik mungkin, dan kalau
bertemu, atau selesai tolong di
kembalikan ke pada si pemilik
buku ini, terlebih dahulu saya
ucapkan terima kasih.

yang empunya.


(Al Niswardi)

Kurah Bukit
Balai Panjang bawah.

"ANDA PERLU TAHU"

Apa itu Palsafah. Palsafah sebenar sudah tidak asing lagi bagi kita, yakni boleh dikatakan induk dari segala macam ilmu.

Aluo artinya jalan. Tahu dengan jalan gampang kesuatu tujuan, baik jalan untuk bicara. Pandai bicara berarti sudah punya modal untuk hidup di dunia ini.

Anjalai pamaga Koto tumbuah sarumpun jo langgundi. Kok tak pandai mangaluakan kato, bak alu pancukie duri. Tapi kok pandai bakato-kato, bak santan jo tangguli.

Taganang ayie di Kubang Landai, bapokok mangko taganang. Tasabuik rang Minang cadiaik pandai, bisa manyuruak di nan tarang.

Pidato aluo pasambahan mengandung Mamang, Bidal, Pantun, Gurindam, pepatah, petitih beribu arti. Akar tetapi tidak gampang diketahui oleh banyak orang.

Karena rangkaian kata-katanya disampaikan secara puitis dan itulah yang membuatnya sering bapidato alua berlangsung lama serta menimbulkan kegairahan bagi orang yang arif dan bijaksana.

Berapa banyak buku pengetahuan di rumiah seseorang adalah ukuran kemajuan orang itu sendiri. Sebab banyak pembacaan seseorang adalah termometer dirinya. Banyak membaca berarti mendidik diri karena pembacaan itu adalah guru yang paling pandai dalam segala ilmu, makanya boleh dikatakan Universitas yang paling tinggi adalah "PEMBACAAN".

Ingat wakil Presiden kita terdahulu, bapak Adam Malik yang dikenal dengan otodidaknya (belajar sendiri) dan dalam sejarah Islam Ikraq atau bacalah. (St. Syahril Amga).